

# Gunnar Gunnarsson

og Ennýali.

Mjer þótti dálítið sjerstaklega vænt um, þegar jæg sá þess getið, að skáldinu Gunnari Gunnarssyni, hefði á Englandi verið sómi sýndur, sem enn frekar miðar til að greiða fyrir útbreiðslu bóka hans, bæði þar í landi og annarstaðar. En þetta „sjerstaklega“ stafar af því, að Gunnar hafði þá fyrir skemstu, í skemtilegri grein, sem heitir „En Borger i Universet“ (Berlingske Tidende 30. apríl s.l.) minst vingjarnlega á bækur mínar, og um Ennýal haft orðin „overmaade interessant“ (þ. e. framúrskarañdi fróðlegur og skemtilegur). Er slíkur vitnisburður slíks snillings, vissulega ekki einskisverður, og miðar vel til að styðja þann skilning, að það er ekki af eintómri eigingirni, sem jæg vil, að menn lesi bókina og eignist. Því að, Ennýal er bók, sem menn þurfa að lesa aftur og aftur, og þess vegna sjálfir að eiga. Vandleg ihugun þess, sem í þeirri bók stendur, verður til að greiða mjög fyrir, á „ferðalagi“, sem vjer eigum öll fyrir höndum, og innan skamms, að heita má, jafnvel þeir, sem nú eru hjer yngstir.

19. júní.

Helgi Pjeturss

Mel. 24. júní  
1930